



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXXX. Das Nonnenkloster zu Prenzlau übersendet dem Bischofe von Camin seine Genehmigung zur Stiftung eines Jacobi-Altars in der Johannis-Kapelle zu Prenzlau, am 14. September 1364.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

jugiter permanuros. Ita quod prefati quatuor mansi annuatim pro omnibus proventibus preenarratis redditibus, solvent ac dabunt octo Talenta Brandenburgensium denariorum in terminis infra scriptis, in festo Sancti Martini quatuor talenta et in festo Walburgis Virginis quatuor talenta denariorum prefatorum. Cujus altaris Jus patronatus Henningus Hoppe, Civis in Prentzlow, cum suis veris et legitimis Heredibus Masculini sexus et feminini pacifice et libere suis temporibus in perpetuum possidebunt, Et conferent idem Altare Sacerdoti idoneo aut Clerico beneficium non habenti, qui infra annum ad sacros ordines poterit promoveri. Cujus etiam Jus patronatus ad masculinos heredes principaliter pertinebit, quibus autem non existentibus ad femininum sexum devolvetur. Senior quoque inter heredes, dum vacaverit, presentabit, ipsis autem deficientibus omnimode et ab hoc medio sublatis, dicti Altaris Juspatronatus ad religiosam in Christo Abbatissam Conventus Sanctimonialium in Prentzlaw, Ordinis sancti Benedicti, quecumque pro tempore fuerit, libera ac perpetua successione temporum legitime devolvetur ita quod dictum altare conferat, dum vacaverit, absque aliqua pensa meliore forma pre expressisisque cui prefatum altare conferetur, memoriam cum missa pro defunctis in singulis quartis feriis ob salutem animarum nostrorum progenitorum et predecessorum parentumque nec non heredum et successorum dicti Henningi Hoppen celebrabit. Volentes ut quicquid in dicto Altari et Capella oblatum representatum et assignatum fuerit, quod de jure ad plebanum pertinebit et officium sub suam conscientiam eidem Plebano Parochiali presentabit. Renunciantes etiam pro nobis et nostrorum amborum heredibus ac successoribus omni juri, actioni, impetitioni et utilitati quoad proprietatem dictorum mansorum, quod vel que nobis et eis de predictis mansis competunt vel aliquo modo competere poterint in futurum. In hujus rei evidentiam sigilla nostra presentibus sunt appensa. Testes hujus sunt: Dominus Fridericus de Lochen, Dominus in Boyzenburg, Zacharias Hahse de Koffenstein, Henningus de Berlin, Milites, Hermmannus de Blanckenburg, Willeke de Schwanenbeke et Achim Sternekow, famuli, et alii plures fide digni. Datum Konnigesberg, Anno Domini Millefimo CCCLXIII, feria sexta ante festum Nativitatis Beati Johannis Baptiste et Martyris gloriosi.

Nach einem Sobialbuche.

CXXX. Das Nonnenkloster zu Prenzlau übersendet dem Bischöfe von Camin seine Genehmigung zur Stiftung eines Jacobi-Altars in der Johannis-Kapelle zu Prenzlau, am 14. September 1364.

Nos Margareta de Jagow, Abbatissa, Hildegundt Stretz, Priorissa, Albertus Letzike, Prepositus Sanctimonialium in Prentzlaw lucide profiteamur, quod ad fundationem Altaris Sanctorum videlicet Jacobi Majoris, Matthei Apostolorum, Sancti Clementis et Marie Magdalene in Capella S. Johannis Baptiste dicte Civitatis Prentzlaw, nostrum dedimus Consensum atque damus in his Scriptis, vestram paternam pietatem humiliter exorantes, ut dictam fundationem auctoritate vestra ordinaria dignemini ratificare. Salvo jure nostro in privilegio desuper confecto.

Datum Prentzlow, Anno Domini MCCCLXIII, ipso die exaltationis sancte crucis, nostri conventus ac nostri Prepositi sub sigillo presentibus appenso in Testimonium omnium premifforum.

Aus einer Copie.

CXXXI. Johann, Bischof von Camin, bestätigt die Stiftung und Bewidmung eines Jacobi-Altars in der Johannis-Kapelle zu Prentzlaw, am 16. October 1364.

In Nomine Domini Amen. Johannes, Dei gracia Episcopus Ecclesie Caminensis, Ad perpetuam rei memoriam. Spiritualem altissimo speramus impendere famulatum, cum opera et operam nostram diligentem circa cultus divini augmentum apponimus, quod tunc vere factum credimus, Cum ea, que a Christi fidelibus usus divino fuerint deputata, ne imposterum usibus profanis valeant applicari, Quemadmodum nobis competit, autoritate nostra ordinaria stabilimus. Sane vidimus et audivimus literas patentes Illustrium Principum Dominorum Ludovici Romani et Ottonis, fratrum, Marchionum Brandenburgensium, super donatione Proprietatis quatuor mansorum in campis ville Bombgarden prope Prentzlow site — Et per discretum virum, Henningum Hoppen, Civem Civitatis Prentzlawie predictae, ad fundandum et dotandum unum Altare perpetuum de Consensu expresso honorabilis viri Domini Alberti Lifzken, Prepositi, et religiosarum Dominarum Margarete, Abbatisse, et Hildegart Strez, Priorisse, totiusque conventus Sanctimonialium in Prentzlaw, Sancti Benedicti ordinis, in Capella Sanctorum Johannis Baptiste et Evangeliste dicte Civitatis in honorem Sanctorum Apostolorum Jacobi majoris, Mattheie ac Clementis et beate Marie Magdalene donatorum, non raras nec abolitas, sed sanas et integras, ac omni prorsus suspitionis vicio carentes, quarum tenor sequitur in hec verba. (Einschaltung der vorstehenden Urkunden der Markgr. vom 21. Juni und des Klosters vom 14. September 1364). Nos igitur prefati Henningi Hoppen, civis civitatis Prentzlawie antedicti, nobis humiliter supplicantis, ut predictum Altare cum quatuor mansis dictis cum proventibus, que ab ipsis poterunt derivari, ad usum perpetuum Altaris memorati confirmare dignaremur, precibus condignis inclinati, supradictum Altare cum IV mansis premisis et cum omnibus redditibus, obventionibus, provenientibus ex eisdem una cum dispositione Juris patronatus Altaris ejusdem, nec non consensum Prepositi Abbatisse, Priorisse ac conventus Sanctimonialium in Prentzlaw, Ad hoc adhibitum, rata et grata habemus eaque omnia autoritate nostra ordinaria nobis in hac parte competente in Nomine Domini in his Scriptis confirmamus. Inhibentes et interdicentes sub pena Anathematis et maledictionis eterne, ne potestas secularis vel quivis alius cujuscumque dignitatis, Status et conditionis, futurum vicarium Altaris sepe dicti, qui pro tempore fuerit, ad istud catholice institutus, in suis mansis vicariorumque proventibus quoquo modo impediat vel perturbet, sicut omnipotentis Dei et nostram evitare voluerit catholicam ultionem. Datum Corlyn, Anno Domini MCCCLXIII, in die Galli et Lulli Martyrum beatorum, nostro majori sub sigillo presentibus appenso In Testimonium evidens premifforum.

Nach einer Copie.